


**LUZNAN A SER BAHÀ RIBA TERENO DI PALM BEACH..**  
**DEPORTIVO NACIONAL MUY PRONTO LO CENDE SU**  
**LUZNAN RIBA E TERENO NOBO NA ALTO VISTA...**



**\*\* Ayera 25 juni 2013,** despues di 43 aña y 3 luna Deportivo Nacional a baha e luznan y postenan di Gol pa bai riba e tereno nobo na Alto Vista. Na Palm Beach, Deportivo Nacional a conoce su gloria, despues di a promove pa di segunda bez pa e divison maximo di Aruba na aña 1993, Deportivo Nacional solamente 2 aña no a clasifica den e prome cuaternan, Deportivo Nacional a titula 4 biaha Campeon di Aruba y 4 biaha Sub-Campeon. Deportivo Nacional a representa Aruba den Concacaf na Trinidad & Tobago. Ayera cu emocionan mixto pero mester a tuma e decision aki Deportivo Nacional ta bai Alto Vista. Deportivo Nacional ta gradici tur hende y especialmente

su fanaticonan cu semper tabatacune, pero Deportivo Nacional a bin pa keda. Deportivo Nacional ta gradici Minister Dowers, Brandweer y tur e trahadornan cu a duña un man pa por a baha e luznan di e postenan, tambe na ATCO pa e transport di e containernan. Pa loke ta trata e tereno nobo na Alto Vista, ya caba e prome

poste nan di luz a yega for di Venezuela y ta falta solamente dos mas pa yega Aruba, pa asina muy pronto e luznan bai briya riba e tereno nobo na Alto Vista. E gran apertura lo ta den luna Juli proximo cu un grandioso evento deportivo na honor di tur esnan cu a coopera pa Deportivo Nacional tin su propio tereno..

